

Témoignages

JOURNAL FONDÉ LE 5 MAI 1944 PAR LE DOCTEUR RAYMOND VERGÈS

N° 21904 - 81ÈME ANNÉE

80 ans après le vote du 21 octobre 1945

La nécessité d'un projet consensuel entre les Réunionnais



Mardi soir, à l'Université, un séminaire était organisé sous le thème : « La Réunion, 80 ans après les élections de 1945 : réussites, limites et défis actuels ». Animé par le Professeur Salim Lamrani, l'initiative faisait référence au scrutin du 21 octobre 1945 qui a vu les élections de Raymond Vergès et Léon de Lépervanche, députés. Trois intervenants ont été invités à exposer leurs points de vue : Mario Serviabile, Risham Badrouline, Ary

Yée-Chong-Tchi-Kan. Le débat qui a suivi avec les auditeurs présents dans la salle a enrichi l'idée qu'une étape est terminée ; il faut un nouveau départ.

Chaque année, votre journal « Témoignage » a consacré de nombreux articles à cette date mémorable qui induit le 19 mars 1946. Il faut se féliciter de

l'intérêt porté par l'Université de La Réunion à ce moment essentiel de notre histoire. Il faut noter le silence des grands médias sur l'éducation politique de la population.

Nous reviendrons sur divers aspects de ce séminaire. Nous retiendrons pour aujourd'hui, l'intervention de Elie Hoarau, président du PCR. Il a rappelé la nécessité d'une Conférence Territoriale de l'Action Publique, élargie aux forces vives du pays. Ce cadre, prévu par la loi NOTRe, sera aménagé pour légitimer un projet

consensuel pour La Réunion. Il a conclu sur la responsabilité de chacune et chacun dans ce monde en mouvement.

Correspondant

« Kifouti d'zouvriyé ? Sa in Mishèl Morin sa plito ! » : in kozman pou la rout

Mézami ténir in kaz an bon éta, sa lé pa si fassil ké zot i kroi. Avèk lo tan tout zafèr i dégrènn.. Pa tout an mèm tan mé shakinn son tour é mi jir azot lé pa gayar viv dann in kaz apré déglingué konmsa dovan ou.

Tazantan sé la limyèr k'i éklèr pa, tazantan sé dann la shass dolo wi trouv in problèm, tazantan lo také i tak pi mé li détak, tazantan sé d'lo, tazantan sé lo bann fèrmtir rouvèrtir. Parl pi kan sé lo karo k'i pète in kou san k'wi konpran pou kossa..

Sré bien si ou l'avé dsou la min in Mishèl Morin in moune konm k'i diré i gingn fé tout zafèr, in touch-a-tout konm i di laba dann déssèrtienn réjyon dan La franss épi sa lété ropri issi shé nou La Rényon. La prèv? Mi sort lir sa dann diksyonèr Alain Armand épi dann somi-lo mo Daniel Honoré.

Problèm ? Pou Armand konm pou Daniel in mishèl morin sé in bon zouvriyé. Pou mon papa sré plito in touch-a-tout, in kalité d'moune lé bon pou massak in travaye plito k'fèr kékshoz de bien... laba dan La franss mi panss sré plito in om a tou fèr mé mwin lé pa sir san pou san.

I paré mèm in zour, néna bien lontan, dann in gazète l'avé in pti lanonss, pou anbosh in Mishèl Morin. Donk in moune kapab rofé bann travaye lantikité avèk bann zoutiy lantikité galman.alé débarbote aou ladan !

Alé ! mi kite azot rofléshir la dsi é ni retrouv pli dvan, sipétadyé.

Justin

Témoignages

Fondé le 5 mai 1944 par le Dr Raymond Vergés
81e année

Directeurs de publication :

1944-1947 : Roger Bourdageau ; 1947 - 1957 : Raymond Vergés ; 1957 - 1964 : Paul Vergés ; 1964 - 1974 : Bruny Payet ; 1974 - 1977 : Jean Simon Mounoussany Amourdom ; 1977 - 1991 : Jacques Sarpédon ; 1991- 2008 : Jean-Marcel Courteaud
2008 - 2015 : Jean-Max Hoarau
2015 : Ginette Sinapin

6 rue du général Émile Rolland
B.P. 1016 97828 Le Port CEDEX

Rédaction

TÉL. : 0262 55 21 21 - E-mail

:journal.temoignages@gmail.com


SITE web : www.temoignages.re

Publicité :journal.temoignages@gmail.com

CPPAP : 0916Y92433

Zistwar Tikok

Zistwar Tikok, par Christian Fontaine... zistwar an kréol dann Témoignages



Papang rapas

Dan la klas, po léson-d'soz, mét-d'ékol i esplik :

« L'Aigle est un RAPACE, lo Vautour est un RAPACE, lo Papango est un RAPACE ». Mé lo mét i domann banna, i di : Pourquoi appelle-t-on RAPACE, lo papango ? »

Tikok i lèw son doi, i di :

« Mi koné, Mésié, akoz kan li sa béz volay domoun, li pas, li arpas, li pas, li arpas, li pas, li ARPAS ! »

Tikok i fé lo zés ék son min : li fé papang apo volé anlér park poul. Papang-la i désann, i mont, i glis a droit, i glis a gos. Lo tan li po fé sa la, tout marmay i tienbo zot vant po ri. Sa i ansèw fé an-salèr lo mét plis ankòr. Mandoné, lo mét i kri in kou apré Tikok, i di :

« Tikok, au piquet derrière lo tableau ! »

Tikok i konpran pa inn-tiork lo zafér, lo mét i koz kréol éstèr :

« Si ou i konpran pa pokoi i mét aou o piké, na in fouét dési biro lérk li va pas, li va arpas si out déyé, somanké oi konprann ! »

Tout kamarad Tikok pli an-dyab po ri éstér. Ariv son kaz, Tikok i sa désou pié mang, koté park volay, li kalkil. Mandoné, li lèw son tèt anlér, li oi in papang i ariv, i pas, i arpas, i pas, i arpas anlér park-la...Tikok i véy ali minm. Son ti tèt i balans, anlér, anba, par isi, par la, a droit, a gos, paréy in zanfan tann dann bra son monmon i sant :

Fé dodo la minét-té zanfan dé Zanét té !

Si la minét i dodo pa !

Shat marron oi souk ali !

Aforstan brann branné, Tikok i gingn soméy, i dor.

« Koukoukou kou !

– Kat kadét ! Kat kadét ! »

Tikok i lèw an béf : li apersoï in dézord dann park. Li lèw la tèt, li oi papang i vol, i vol, i vol, i vol minm droit dovan li, na in bel kok dan la bék. Tikok bandé, li dobout in kou, li kri :

« Papang, mon modi zoizo. Toué nora afér amoin toué. Nespés vilin RAPAS, va ! »

Lo mo RAPAS la sap konmsa minm, pa fé espré. Pi zour-la, Tikok la konpri RAPAS i vé di aou bézér-d'paké, volér (si Tikok té i ogard in boug konm Dobré, Ropiké, épi Rémon Bar, ZanPol ek GroLwi, sinonsa in n'ot boug la Droit li té konpran pli vitman, mi kroï).

Oté

Lékonomi-la ! I dévlop pa plisské sa? Nout shomin va rèst anbaré ankor konbienn tan ?

Mézami pou dmoune la viv konm mwin la pèryode la dékolonizassion l'avé dann bann zané soissante — 1960 !- in santiman téi pouss anou pou kroir é pou éspèré lo dévlopman téi doi akonpagn, lo mouvman mwin té apré anparl azot..

Dann tan-la La plipar bann koloni la trouv shomin lindépendanss pou trap in bon dékolonizassion — kissoi par in lantant avèk l'ansien péi kolonyalèr, kissoi par la guèr pars i fo pa obliye bann guèr lindépendanss. Dann bann péi l'outre-mèr La Franss nou l'avé milite pou lotonomi, finalman sé in réjyonalizassion k'la aplike anou kan la gosh l'ariv o pouvoir laba dann La Franss.

Rézilta ni pé fèr in konstatassion k'la dékolonyalizassion nou téi éspèr, dann la plipar d'ka, la pa amène anou landroi nou téi vé alé, avèk a la klé in vré dévlopman nout lékonomi, nout droi d'désside par nou mèm sak lé bon pou nou, épi lo rotour o sours nout bann valèr.

Par l'fète, bann pèp kolonizé téi vé lo dévlopman lékonomi dann zot péi, lo progré sossyal, la miz an valèr zot kiltir san konté zordi lo réspé pou lanvironeman. Ni pé dir zordi nou — bann tériroir loutre-mèr La franss, nou lé in pé déssu dsi lo rézilta la dékolonizassion suivan la métode nou la shoizi nou-mèm par la loi d'mil nèf san karant-sis — épi la métode shoizi par la gosh an Franss.

Sa i anpèsh pa déssèrtin zom de droite dir épi répété zot lé kont bann loi péi, é pou zot l'égalité sé lo vote bann loi, toute bann loi par bann dépité sénatèr, laba dann la kapital La franss. Biensir mi panss Virapoullé kan mi di sa, mé li la pa toussèl malorèzman. Mé sa i anpèsh pa zot rézone pou in bonpé zafèr konmsi La Rényon lété lib son bann shoi par rapor lé zot péi.

An fète pou bann péi loutremèr-konm pou bann péi soidizan indépandan — nou nora pèrd in bonpé d'tan é pou bann rézon mi sèye ésplike dopi dé zané dann nout zoinal témoignages ;

A bon antandèr salu ! zordi ankor bonpé rante nou i viv avèk léspoir oir bann valèr

Justin